



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

5. Venerabilus Fratribus &c. Privilegia nonnullis Sanctitatis suæ
Familiaribus concessa.

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

rentia annullatoria Prioris Generalis, vel Vicarii Generalis, aut nova creatio Prioris Provincialis, seu Rectoris Provincialis, aliorumque Officialium, quae omnia ad effectum annullandi Capitulum Provinciale congregatum, seu etiam peractum, prout supra dictum est, tamquam inutilia, ac si nullatenus emanassent omnino habeantur, & judicentur, proindeque Capitulum praedictum Provinciale ita, & prout supra celebratum ab eodem Priore, seu Vicario Generali confirmari debeat, dummodo alias canonicè & legitime celebratum sit.

Cujus tamen publicatio propterea non differenda.

§. 8. Ne tamen ex hoc aliquis ullo modo occasionem sumere possit, malitiosè occultandi, alterandi, seu differendi exhibitionem, & publicationem quarumcumque Litterarum, in quibus contineatur annullatio, vel nova creatio Electorum, in capite, tum in membris, si fortè à Priore, vel Vicario Generali ita provisum sit, teneatur sub eisdem poenis, & censuris ille, etiam si sit Prior Provincialis actualis, ad cuius manus litteras huiusmodi pervenire contigerit, ipsas manifestare vel intimare illi, vel illis, quibus de Jure manifestari, seu intimari debent.

Præsentibus quoque debitis in locis promulgandæ.

§. 9. Cæterum, ut nemo præsentium Litterarum ignorantiam præterdere possit, volumus, ut illæ statim atque ad Quinquagesimam aliasve Indiarum Provincias prædictas respectivè pervenerint, publicentur, perpetuisque futuris temporibus in singulis earundem Provinciarum Capitulis Provincialibus, post recognitionem Præfidentis, ipse, antequam ad aliquam electionem deveniatur, teneatur mandare, ut omnibus capitulariter congregatis, ipsæ præsentibus Litteræ unâ cum reliquis Constitutionibus de more legendis, legantur, salvâ tamen semper in præmissis autoritate Congregationis memoratorum Cardinalium.

Decretum roborans & irritans.

§. 10. Decernentes easdem præsentibus Litteras semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respectivè inviolabiliter observari. Sicque in præmissis per quoscumque Judices Ordinarios, & delegatos, etiam causarum Palatii Apostolici Auditores, judicari, & definiri debere, ac irritum, & inane, si secus super his à quoquam quâvis auctoritate scienter, vel ignorantiter contingerit attentari.

Derogatio contrariis.

§. 11. Non obstantibus præmissis, ac Constitutionibus, & ordinationibus Apostolicis, nec non Provincialium, & Ordinis prædictorum, etiam juramento, confirmatione Apostolicâ, vel quâvis firmitate aliâ roboratis statutis, & consuetudinibus, privilegiis quoque indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plenè, & sufficienter expressis, & insertis habentes, illis aliâ in suo robore permanfuris, ad præmissorum effectum hâc vice dumtaxat specialiter, & expressè derogamus, cæterisque contrariis quibuscumque.

Transumptum fides.

§. 12. Volumus autem, ut earundem præsentium Litterarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiasticâ dignitate constitutæ munitis, eadem ubique fides in Judicio, & extrâ adhibeatur, quæ præsentibus adhiberetur, si forent exhibitæ, vel ostensæ. Datum Romæ apud Sanctum Petrum sub Annulo Piscatoris Die 24. Martii 1678. Pontificatus nostri anno secundo.

Dat. 24. Martii 1678. Pontif. Anno secundo.

J. G. SLUSIUS.

Privilegia nonnullis Sanctitatis suæ Familiaribus concessa.

INNOCENTIUS PAPA XI.

V.

Venerabilibus Fratribus Antonio Pignatello, Archiepiscopo olim Larissen. Episcopo Licien. cubiculi nostri Præfecto, Stephano de Augustinis Archiepiscopo Heracleæ, Datario, & Horatio Matthæo, Archiepiscopo Damasceno, Palatii nostri Apostolici, ac Josepho Eufanio Episcopo Sorphyrien. Sacarii nostri respectivè Præfectis, nec non dilectis filiis Magistris Joanni Gualtero Slusio Leodien. Secretario Brevium nostrorum Secretorum, Joanni Baptistæ de Luca Venusien. Auditori nostro, & Mario Spinulæ Januen. in utraque Signaturâ nostrâ Referendariis, Litterarum nostrarum in formâ Brevis quæ ad Principes scribuntur, Secretario, Prælatis domesticis nostris, ac Camillo Mugialco Comen. Pincernæ, Petro Joanni Bernardi Vencien. Archicicilino, Thomæ Odescalco Vestuario, & Elemosynario secreto, Joanni Francisco Ripæ, & Hieronymo Peregrino Comen. Francisco Antonio Cavedono Venusin. Hugoni Humberto de Servient. Gratianopolitan. Antonio Albertino Neapolitan. Matthæo Santini Lucan. Augustino Favorito Lunen-Sarzanen. notarum arcanarum Secretario, & Francisco Santuccio Romano, Medico Secreto, Cubiculariis intimis, seu Secretis, & Francisco Liberato Sutrin. Subdatario, ac Joanni Puccio Politanen. & Michaeli Angelo Boldrino Cortonen. Capellanis Secretis, nec non Josepho Sancti Fiamma Comen. Carolo Antonio Prosperi Hortan. Josepho Tiberio Quadri Romano, & Deodato Bovio Mantuan. respectivè Civitatum, vel Diocesum Clericis, seu Presbyteris, vel Laicis, cubiculi nostri Adjutoribus familiaribus, continuis commendatilibus nostris salutem, & Apostolicam benedictionem.

Familiarium nomina.

Circumspecta Romani Pontificis gratiarum dispensatoris providentia, devotos & fideles suos, illos præsertim, qui grata familiaritatis obsequia jugiter ei impendunt, ac quos ad id alias propria virtutum merita commendant, honoris & famæ amplioribus præconiis, ac præclaris dignitatibus titulis decorare & ornare, nec non specialis benevolentiae favoribus amplecti solet, prout personarum qualitatibus conspicit convenire.

Exordium à Familiaribus favendi consuetudine.

§. 1. Hinc est, quod nos ad grata familiaritatis obsequia, quæ vos, qui etiam continui commentales nostri existitis, & quilibet vestrum Nobis hætenus impendistis, & adhuc sollicitis studiis impendere non desistitis, nec non ad vitæ, ac morum honestatem, aliaque laudabilia probitatis, & virtutum merita, quibus personas vestras, etiam familiari experientia juvari percepimus, condignam rationem habentes, ac propterea easdem personas vestras peculiaris favore gratiæ, ac specialis honoris, & excellentiæ dignitatis titulo sublimare voleantes, vosque, & quemlibet vestrum à quibuscumque excommunicationis, suspensionis, & interdicti, aliisque Ecclesiasticis sententiis, censuris & poenis à Jure vel ab homine quâvis occasione, vel causâ latis, si quibus quomodolibet innodati existitis, ad effectum præsentium dumtaxat consequendum, harum serie absolventes, & absolutos fore censentes; motu proprio, non ad vestram, vel alterius pro vobis super hoc oblata petitionis instantiam, sed de mera liberalitate, & certâ scientiâ nostris, ac de Apostolicâ potestatis plenitudine vos, & quemlibet vestrum respectivè

Motu proprio creat Sedis Apostolicæ Notarios, Palatii Comitibus, Equites, Nobiles Romanos, & Urbis, aliarumque Civitatum Cives.

in Nostros, & Sedis Apostolicæ Notarios (sine tamen præjudicio dilectorum filiorum Notariorum de numero participantium) Apostolicâ auctoritate tenore præsentium recipimus, ac Sacri Palatii, & Aulae Lateranen. Comites, nec non auratæ Militiæ Equites, ac Nobiles Romanos, & Urbis Romæ, ac Civitatum Avenionen. Bononien. Ferrarien. & Beneventan. omniumque, & singularum aliarum Civitatum, Terrarum, & Locorum Romanæ Ecclesiæ, mediâ, vel immediatè subjeutorum Cives cum omnibus juribus, jurisdictionibus, prærogativis, & insignibus debitis, & consuetis creamus, ac constituimus, ac in numerum, & consortium aliorum nostrorum, & ejusdem Sedis Notariorum, nec non Palatii, & Aulae hujusmodi Comitum, Equitum & Nobilium Romanorum, aliorumque Civium Civitatum, & Terrarum prædictarum referimus, & conscribimus; Vobisque, etiam si habitum, & rochetum Notariorum dictæ Sedis juxta decreta Lateranen. Concilii novissime celebrati non deferatis, aut Civitates hujusmodi non incolueritis, nec unquam in eisdem Civitatibus domicilium habueritis, ut omnibus, & quibuscumque privilegiis, & facultatibus, exemptionibus, immunitatibus, libertatibus, favoribus, gratiis, & indulgiis, quibus cæteri omnes Notarii nostri, etiam de numero participantium, ac Comites, Equites, & Nobiles (citra tamen exemptiones à Sacro Concilio Tridentino sublatis, ita ut nedum quoad criminalia, sed etiam quoad civilia subiacentis Ordinariis, ac citra facultates legitimi mandati, ad gradus promovendi, Notarios, seu Tabelliones creandi, aliaque hujusmodi privilegia à Notariis, & Comitibus præfatis præsentia; ita ut illis nullibi uti valeatis, ac irritum, & inane existat quicquid secus per vos aut quemlibet vestrum respectivè attentari contigerit) nec non Cives originarii, etiam in dignitatum, beneficiorum, & officiorum Ecclesiasticorum, ac Secularium, etiam ex personis Romanorum Civium originariorum vacantium, assecutione, & exercitio, tam in Urbe, quam in omnibus, & singulis Civitatibus prædictis, & aliis ubique locorum, & gentium, nec non sessionum, & conventuum, utuntur, potiuntur & gaudent, ac uti, potiri & gaudere poterunt quomodolibet in futurum, non solum ad eorum instar, sed pariformiter, & aequè principaliter, ac si privilegia, facultates exemptiones, gratiæ, & indulta hujusmodi pro vobis emanassent, uti, potiri, & gaudere, ac in omnibus, & singulis Apostolicis, aliisque Litteris, instrumentis, & scriptis publicis, & privatis deinceps nomine vestro confiendis Notarios, Comites, Equites, & Nobiles, ac de Nobili genere ex utroque parente procreatos, nec non Romanæ, & aliarum Civitatum, & Terrarum Cives prout libuerit, vos inscribere, & illis subscribere valeatis, ac pro veris, & non factis Notariis, Comitibus, Equitibus, & Nobilibus, ac Civibus habeamini, nihilque, qualecumque illud fuerit cum iis subscriptionibus subreptitum, aut invalidum, sed illud idem efficax in omnibus censetur.

§. 2. Nec non honoris causâ insignia gentis nostræ sive integrè, sive cum vestris respectivè composita gestare possitis, prout vobis placuerit, concedimus.

§. 3. Et insuper vos vestraque beneficia, & officia Ecclesiastica quaecumque, quocumque, & qualiacumque, illorum fructus, res, & jura ubicumque Locorum, Regnorum, & Provinciarum, nec non in Urbe, Civitatibus, Terris, & Locis eidem Romanæ Ecclesiæ mediâ, vel immediatè subjectis consistentia, præ-

dia, domos, possessiones, & bona patrimonialia, aliaque temporalia mobilia, & immobilia, ac se moventia, nec non actiones, & jura præsentia, & futura cujuscumque qualitatis, & quantitatis, naturæ ac cujusvis etiam annui valoris fructus, redditus, & proventus hujusmodi sint, vel fuerint, ac etiam quaecumque à vobis vendenda, ac pro vestris, ac familiarum vestrarum usibus emenda ab omnibus, & quibuscumque decimis, quartis, & dimidiis partibus, subsidiis, etiam charitativis, nec non vectigalibus, portoriis, tributis, dantiis, pedagiis, collectis, & quocumque alio nomine nuncupatis angariis, parangariis, cæterisque oneribus, & contributionibus tam urbanis, quam rusticis, ordinariis, & extraordinariis realibus, personalibus, & mixtis, etiam ratione munitionum, & pontium, portarum & molinarum & mercium, cujuscumque generis transitus, seu passus, & vendituræ etiam in aliud territorium, seu Provinciam, terrâ, mari, & flumine, nec non eorum mortuorum, stabulationum militum, institutionis Seminarii Ecclesiastici, aut quaecumque aliâ quantumvis gravi, & gravissimâ causâ (pro subventionem contra infideles dumtaxat exceptâ nunc & pro tempore impositis, ita quod vos, & quilibet vestrum nihil omnino horum, aut aliorum similium subire teneamini, nec per Camera Apostolicæ, aut alios Commissarios, seu vectigalium, & tributorum hujusmodi redemptores, conductores & exactores quocumque privilegio, exemptione & facultate suffultos aliâ, quam ut præfertur valeatis coarctari (quamdiu servitiis nostris insisteritis dumtaxat) eximimus & liberamus.

§. 4. Ad hæc vobiscum, & cum quolibet vestrum respectivè, ut quaecumque duo dissimilia, vel simplicia similia sub singulis tribus tectis quarumcumque trium Cathedralium, etiam Metropolitanarum, aut aliarum etiam Collegiatarum Ecclesiarum consistentia, etiam si unum ex illis omnibus cum curâ, aut dignitas etiam major & principalis, Canonatus & præbenda, personatus, administratio, vel officium fuerit, & ad dignitatem, personatum, administrationem, vel officium hujusmodi consueverit quis per electionem assumi, eique cura etiam jurisdictionalis imminet animarum, si alicui vestrum, aliâs Canonice conferantur, aut quisque vestrum eligatur, præferatur, aut aliâs assumatur ad illa, & instituatur in eis, recipere, dummodò alia omnia (uno excepto) personalem residentiam non requirant, insimul quoad vixeritis retinere.

§. 5. Nec non etiam quamdiu nobis inservieritis tantum in beneficiis Ecclesiasticis etiam curatis (non tamen Parochialibus, nec curatis curâ animarum Parochianarum) per vos pro tempore respectivè obtenti etiam de jure, statuto, fundatione, vel privilegio, personalem residentiam requirentibus, etiam si dignitates in Ecclesiis Cathedralibus, etiam Metropolitanis post Pontificalem majores, ac Collegiatis Ecclesiis hujusmodi principales fuerint, personaliter residere non teneamini, nec per Locorum Ordinarios, aut Ecclesiarum earumdem Capitula, seu quovis alios ad residendum interim in illis invitati compelli possitis, omnesque & singulos nihilominus vestrorum beneficiorum obtentorum fructus, redditus & proventus durante servitio prædicto cum eâ integritate (distributionibus quotidianis dumtaxat exceptis) cum quâ illos perciperetis, si in eisdem Ecclesiis, sive locis personaliter resideretis, percipere, exigere & levare.

§. 6. Ac interim vel postmodum, si volueritis, in Romanâ Curâ, vel extra eam à quocumque quem malueritis, Catholico Antistite, gratiam & communionem ejusdem Sedis habente, quem duxeritis eligendum, ad

Indultum retinendi duo beneficia sub eodem tecto, in tribus Ecclesiis.

Indultum non residendi durante servitio, & in absentia percipiendi fructus.

Suscipienti Ordines terminato servitio etiam extra & sine Ordinarii licentiâ.

omnes

Præferatur Concilii Tridentini reformatio, & in quibuscumque Privilegium restringitur.

Permittuntur gentilitia Sive Sanctitatis insignia.

Eximuntur durante servitio à decimis, impositionibus, taxis, vectigalibus ac tributis.

Audien-
di Jus Ci-
vile, le-
gendis &
causas Ec-
clesiasticas
& civiles
patroci-
nandi.

Eligendi
Confessa-
rium, qui à
centuris
& reserva-
tis absol-
vere & vo-
ta commu-
tare valeat

Conce-
ditur Fa-
cultas pen-
siones
etiam alias
translatas
ad summam
usque 500.
ducato-
rum trans-
ferendi.

omnes, & Sacros Presbyteratus Ordines aliquibus tribus Dominicis, vel aliis festivis diebus, etiam extra tempora à Jure statuta, proprii Ordinarii, aut cujusvis alterius licentiâ desuper minimè requisitâ, si alias ad id idonei reperti fueritis, super quo Antistitis conscientiam oneramus, promoveri, & promoti in illis, etiam in altaris ministerio ministrare:

§. 7. Nec non etiam si Presbyteri fueritis, ac dignitates & officia obtinueritis, Leges, & Jura civilia, etiam publicè in scholis, & Universitatibus studiorum generalium ad quinquennium dumtaxat, dummodò trigessimus ætatis annus non exceleseritis, audire, & si habiles & sufficientes reperti fueritis, etiam ad Doctoratus gradum in hujusmodi facultate vos promoveri facere, Jura etiam publicè docere, atque Judicis, Advocati & Procuratoris officium in causis Ecclesiasticis, & civilibus tantum exercere liberè & licitè possitis & valeatis, auctoritate & tenore prædictis de speciali dono gratiæ dispensamus.

§. 8. Liceat quoque vobis, & cuilibet vestrum aliquem idoneum, & approbatum ab Ordinario Presbyterum Secularem, vel cujusvis Ordinis Regularem in vestrum eligere Confessorem, qui vitâ cujuslibet vestrum comite vos, & quemlibet vestrum à quibusvis excommunicationis, suspensionis & interdicti, aliisque Ecclesiasticis sententiis, censuris & penis à Jure, vel ab homine quavis occasione, vel causâ latis, & per vos incurfis, & quibus vos etiam Apostolicâ auctoritate illaqueari contigerit, etiam si absoluti Nobis, & Successoribus Nostri Romanis Pontificibus pro tempore existentibus specialiter, vel generaliter reservata existat, & quorumcumque votorum, & Ecclesiæ præceptorum transgressionibus, homicidio casuali, manuum violentarum in quavis personas, etiam Ecclesiasticas (non tamen Episcopos, vel alios Superiores, Prælatos) de præterito injectionibus, seu consilii, vel favoris ad id præstationibus, jejuniorum omissionibus (non tamen recitationis horarum Canoniarum, aliorumque Divinorum officiorum) & denique ab omnibus, & quibuscumque aliis vestris peccatis, criminibus & excessibus, ac delictis quantumcumque gravibus & enormibus, etiam talibus, propter quæ Sedes prædicta merito consulenda foret, videlicet à contentis in litteris die Cænæ Domini publicari consuevit, semel tantum, in vitâ, & mortis articulo; in reliquis verò dictæ Sedi quomodocumque reservatis, aliisque quibusvis casibus semel in anno, confessionibus vestris diligenter auditis (sine tamen alicujus præjudicio) auctoritate Apostolicâ absolvere, & vobis pro commissis penitentiam injungere salutarem, nec non vota quæcumque (ultramarino visitationis liminum Beatorum Petri & Pauli Apostolorum, castitatisque, & Religionis votis dumtaxat exceptis) in alia pietatis opera commutare valeat.

§. 9. Vobisque ulterius, & cuicumque vestrum respectivè, ut quicumque Loci Ordinarii, vel Canonici Metropolitanarum, seu aliarum Cathedralium Ecclesiarum, aut personæ in dignitate Ecclesiastica constitutæ tam in dictâ Curia quam extra eam, ad id per vos respectivè coram Notario, & testibus fide dignis eligendi seu eligendæ, quascumque pensiones annuas vobis super mensarum Abbatialium, seu Capitularium ac Episcopaliū & Archiepiscopaliū, ac quorumcumque Beneficiorum Ecclesiasticorum cum curâ, & sine curâ secularium, & quorumvis Ordinum & Militiarum Regularium, etiam Hospitalis S. Joannis Hierosolymitani, quomodocumque & qualitercumque qualificatorum fructibus, redditibus, proventibus, juribus, obventionibus, & distributioni-

bus etiam quotidianis, seu illarum loco fructus, redditus, proventus, jura, obventiones, distributiones, & emolumenta vobis nunc & pro tempore assignata, & reservata, ac reservanda pro summâ videlicet trecentorum ducatorum Auri de Camerâ, quoad singulos vestrum, quodcumque alicui vestrum respectivè placuerit, simul vel successivè in toto, vel in parte, etiam in cujuslibet vestrum mortis articulo, cassare & extinguere, ac postquam cassata & extinctæ fuerint, alias similes pensiones annuas super eisdem fructibus, redditibus, proventibus, juribus, obventionibus, & distributionibus, & emolumentis, seu illarum loco fructus, redditus, proventus, jura, obventiones, distributiones & emolumenta hujusmodi usque ad summam & quantitatem prædictam uni, vel pluribus aliis personis, etiam per vos nominandis, etiam quæcumque, quorcumque & qualiacumque Beneficia Ecclesiastica obtinentibus, & expectantibus Clericis, seu Clericali charactere insigniri volentibus, etiam eis quoad vixerint, seu eorum Procuratoribus, ad id speciale ab eis mandatum habentibus, iisdem modo & formâ, quibus vobis assignatæ, & reservatæ, seu assignatæ, & concessa fuerint respectivè, etiam absque consensu eisdem pensiones solvere debentium, etiam si illas, vel illa alias cassari, & reservari de novo faciendi facultatem non habueritis, ac pensiones & fructus, redditus, proventus, jura, obventiones, distributiones, & emolumenta hujusmodi, etiam pluries cassata & de novo assignata fuerint, usque ad summam, & quantitatem prædictam, etiam Literis Apostolicis super reservationibus, & assignationibus hujusmodi non confectis, ac alias cum omnibus, & quibuscumque exemptionibus, privilegiis, Decretis, clausulis, cautionibus, vinculis, obligationibus, & cautelis, ac etiam censuris, & penis in prioribus reservationibus hujusmodi concessis, & contentis, nec non subrogatione in quibusvis vestris juribus, etiam quoad quasi possessionem exigendis, in quâ tunc eritis, integrè perfolvendas, servatâ tamen formâ Constitutionis Nostre super translationibus pensionum editæ, reservare, constituere, & assignare valeant, auctoritate, & tenore prædictis de speciali gratiâ indulgemus.

§. 10. Nec non etiam vobis, ut de omnibus, & singulis domibus, prædiis, possessionibus, terris, & locis ac jurisdictionibus, cæterisque bonis mobilibus, & immobilibus, quæ tamen non sint Altaris, seu Altarium Ecclesiarum vobis commissarum ministerio, seu alicui speciali earundem Ecclesiarum Divino cultui, seu usui deputata, seu que moventibus, cujuscumque qualitatis, quantitatis, valoris, speciei, pretii, & conditionis existentibus, ac juribus, & actionibus, ad vos ratione Ecclesiarum, etiam Cathedralium, & Metropolitanarum, quibus vos forsân præesse contigerit, nec non Monasteriorum, Prioratuum, Præpositurarum, Dignitatum, & aliorum quorumcumque Beneficiorum Ecclesiasticorum, cum curâ, & sine curâ secularium, & quorumvis Ordinum regularium, quæ etiam ex quibusvis concessionibus, & dispensationibus Apostolicis in titulum, commendam, administrationem, ac alias quomodolibet obtinueritis, obtinetis, & obtinebitis, ac fructuum, reddituum, & proventuum Ecclesiasticorum loco pensionum, ipsarumque pensionum annuarum super similibus fructibus, redditibus, & proventibus, vobis reservatorum, & assignatarum, ac reservandorum, & assignandarum, quos & quas perceperitis, percipitis, & percipietis in futurum, nec non emolumentorum quorumcumque Romanæ Curie Officiorum, & alias quomodolibet spectantibus, & pertinentibus, ac etiam de dictis proventibus, fructibus, redditibus, & pensionibus annuis, nec non vestra, & cujuslibet vestrum industriâ, &

Facultas
testandi &
de posses-
sionibus ad
summam
usque sex
mille ducato-
rum quomodo-
libet etiam
sine solemn-
nitatibus dispo-
nendi.

labore quomodolibet, & undecumque, licite tamen acquisitis, & acquirendis, ac aliis etiam de muneribus, & officiis quæ exercueritis, & vos exercere contigerit, & aliis quavis occasione, vel causâ, seu contemplatione ad vos peruentis, & perventuris, etiam si in pecuniâ numeratâ, & focalibus, gemmis, aliisque pretiosioribus rebus consistant, tam in dictâ Curia quam extra eam ubique locorum, etiam penes Beneficia ipsa existentibus (quorum omnium qualitates, & veros etiam annuos valores, etiam si talia forent, quæ generali appellatione bonorum & suppellectilium non venirent, sed specialibus indigerent vocabulis, præsentibus, ac si specificis, & sigillatim exprimerentur, & denominarentur, pro sufficienter expressis, ac declaratis haberi volumus) usque ad summam sex millium ducatorum auri de Camerâ, pro unoquoque vestrum, ac etiam de ipsis fructibus, redditibus, & proventus, & pensionibus debitis, & debendis (servatâ tamen formâ Constitutionum Apostolicarum jam editarum, & si quas deinceps edi contingerit super fructibus inexactis) etiam cumulatim cum quibuscumque aliis similibus, vel dissimilibus facultatibus habitis, & habendis, tam pro decentibus, & honestis impensis funebribus, quam etiam pro remuneratione illorum, qui vobis viventibus servierint, etiam ultra servitii meritum, ac in vestrorum consanguineorum, & affinium, ac quorumcumque locorum piorum favorem, & usum, ac aliis pro arbitrio, & voluntate vestris, & cujuslibet vestrum absolutis testari, & testamento, codicillis, fideicommissis, legatis, donationibus, tam inter vivos, quam causâ mortis, & aliis quibuscumque modis, & titulis, scripturâ etiam minus solemnem coram duobus, vel tribus testibus, aut etiam cedulâ solâ manu vestra scriptâ, vel scripturâ, & aliis in omnibus, & per omnia, prout & quomodolibet vobis videbitur, etiam in ipsâ Curia, & in mortis articulo, etiam nullâ factâ mentione præsentis, vel aliarum vobis pro tempore concessarum similium facultatum, aut quod in vim illarum testari, seu disponere velitis, & intendatis, semel, atque iterum, aut pluries disponere, statuere & ordinare, ita ut quicquid testatum, gestum, aut ordinatum, seu aliâs dispositum à vobis fuerit, etiam in vim simplicis distributionis, ac aliâs omni alio modo valeat & servari debeat, ipsaque testamenta, codicillos, & dispositiones, ordinationes, legata, & statuta pluries, ac toties quoties vobis videbitur, moderari, limitare, ac etiam in totum revocare, & alia de novo condere liberè, & licite valeatis, auctoritate Apostolicâ earumdem tenore præsentium plenam, & liberam concedimus facultatem.

§. 11. Et insuper statuimus, & ordinamus, vobisque indulgemus, quod si vos ab intestato, & sine ullâ, vel cum minus valida bonorum, & rerum, ac fructuum, reddituum & proventuum, prædictorum dispositione in dictâ Curia, vel extra eam tam continuâ, quam interpolatâ inibi cujuslibet vestrum respectivè mansione, ac etiam extra Beneficia vestra, vel alia loca debita à vobis residentie personalis, etiam nullâ subsistente causâ, ab humanis decedatis, omnia & singula bona, res & jura, etiam, ut præferatur, qualificata, nec non spolia cujuscumque quantitatis, & valoris existentia, etiam ex prædictis, & aliis undecumque provenientia, ad Cameram Apostolicam, seu in dictis Beneficiis Successores non pertineant, sed ad hæreses vestri sanguinis integrè deveniant, & illis deficientibus inter familiares vestros arbitrio personæ seu personarum, quas ad id scripto nominaveritis, distribuantur, nisi de aliâ dispositione, vel intentione vestra scriptura, etiam minus solemnem, se-

cus appareat, quam tunc velut efficacem ipsæ personæ, vel alii Judices, seu Executores omnino exequi, & adimplere, illisque se conformare in omnibus, & per omnia debeant.

§. 12. Et nihilominus quæcunque hujusmodi testamenta, legata, donationes, dispositiones, & alia forsân à vobis, etiam nullâ, vel minus sufficienti facultate suffultis, de hujusmodi bonis, juri- bus supradictis, etiam in favorem consanguineorum, & prædictorum, & aliâs quomodolibet facta, cum omnibus inde secutis, ac etiam ea, quæ per vos in futurum fient ex nunc, prout ex tunc, contra pro dictâ summa sex millium ducatorum approbamus, & confirmamus, omnesque, & singulos juris, & facti, ac solemnitarum omillarum, & omitterarum, nec non substantiales, aliisque defectus quoscunque, si qui intervenerint, aut intervenerint in eisdem, etiam si tales sint, vel fuerint, quod specialis, specifica, & expressa de illis mentio præsentibus habenda esset, supplemus.

§. 13. Distinctius inhibentes quibuscumque Archiepiscopis, Episcopis, aut aliis Ecclesiarum Prælati- bus, nec non Cameræ prædictæ Præfidentibus, & Clericis, ac eorum, nec non Fabricæ Basilicæ Principis Apostolorum de Urbe, ac Cruciatæ Sanctæ, & aliis Collectoribus, & Subcollectoribus, cæterisque, cujusque dignitatis, status, gradus, & conditionis existentibus, etiam quavis auctoritate, & potestate fungentibus, sub excommunicationis majoris, aliisque Ecclesiasticis sententiis, censuris, & poenis, ne Universitates, Collegia, ac loca, & legatarios, hæres, & personas, nec non testamentorum, voluntatum, & ordinationum hujusmodi Executores prædictos directè, vel indirectè, quovis quæsito colore, vel ingenio molestare audeant quoquo modo, vel perturbare.

§. 14. Ac decernentes prædicta omnia, & singula, præsentisque Litteras, & testamenta, dona- tiones, dispositiones, & alia quæcunque, nec non quæ in præmissis facta sunt, aut fieri contigerit, tam vigore præsentis, quam etiam aliarum concessarum vobis factarum, & deinceps in genere, ac in specie faciendarum cum inde secutis, & secuturis, etiam si vos intra Curiam, aut in quacunque alia mundi parte extra Ecclesias, & Beneficia personalem residentiam requirentia qualitercunque qualificata per vos nunc, & pro tempore obtenta, etiam pro vestra sola voluntate, & nullâ subsistente causâ non residendi, ab humanis decedere contigerit, sub Litteris rec. mem. Pii Papæ IV. Prædecessoris Nostri contra quoscunque Episcopos, Archiepiscopos, & alios Prælatos, nec non Parochialium Ecclesiarum Rectores, cæterosque residen- tiae personali prædictæ adstrictos, extra illam quomodocunque decedentes, septimo Kalend. Decembris Pontificatus sui anno quinto, aut alio veriori tempore emanatis, & sub quibuscumque aliis Constitutionibus, aut revocationibus, suspensionibus, limitationibus, modificationibus, Decretis, declarationibus Apostolicis, Cancellariæ Apostolicæ Regulis, ex quibuscumque causis, quantumcunque maximis urgentibus, & inexcogitabilibus, etiam in favorem fidei, divini cultus augmentum, ac consistorialiter, etiam à Nobis, & Sede prædictâ hætenus, vel nunc, & pro tempore factis, & editis minime comprehendi, sed semper ab illis excepta, & quoties emanata fuerint, toties in pristinum, & validissimum statum, & etiam sub posteriori data, etiam cum derogationibus, & clausulis, etiam derogatoriis derogatoriis irritantibusque, & aliis Decretis, per vos eligenda apponendis, & latissimè specificandis, reposita, restituta, & plenariè reintegrata, ac de novo concessa, validaque, & efficacia fore, nec non perpetuâ firmitate subsistere, suosque plenarios, & omnes effectus, quos de jure, stylo, consuetudine, aut aliâs quomodocunque fortiri poterunt ac vim veri, legitimi, jurati, stipulati, validi, & efficacis contractus inter vos ex una, ac Nos, & Ca-

Disposi-
tiones con-
firmantur
& defectus
supple-
tur.

Super
Prædictis
non mole-
standi.

Clausu-
la præfer-
vativa.

Liberan-
tur à spo-
lio, & con-
ceditur bo-
norum ad
hæreses
seu fami-
liares de-
lato.

meram

meram prædictam ex altera partibus habere, nec etiam per promotionem ad Ecclesiam Cathedralē, etiam Metropolitanam, aut translationem, vel aliam statum, & personæ vestre mutationem cessare, nec per similes, vel dissimiles gratias vobis concessas, & concedendas, confundi, sed ipsi cumulatim in omnibus, & per omnia uti, & si quid in una ex facultatibus huiusmodi defecerit, per aliam suppleri debere, nec hæredes, legatarios, ac loca, ad quos, seu quæ bona, jura, & actiones huiusmodi devenerint, vel quibus relinquuntur, aut Executores prædictos ad tertiam, seu aliam eorum partem, quam etiam ex nunc vobis, ac locis, hæredibus, legatariis, ac donatariis prædictis liberaliter concedimus, & donamus, Camerae, vel Fabricæ, aut Beneficiis prædictis, etiam pro expeditione contra Infideles, & quibusvis aliis quantumlibet piis usibus solvendum, ac cum iis desuper componendum, vel vos ad aliam particularem licentiam, sive indultum, aut confirmationem præsentium à Nobis, vel Successoribus Nostri Romanis Pontificibus petendum, aut impetrandum, vel etiam in alia simili gratia, seu confirmatione illius vobis quomodocunque concedenda, de præfenti mentionem aliquam faciendam ullatenus teneri, nec ad id ullā unquam necessitate cogi posse.

Clausula
sublata &
Decretum
irritans.

§. 15. Et sic in præmissis omnibus, & singulis per quoscunque Judices ordinarios, & delegatos, etiam causarum Palatii Apostolici Auditores, & ejusdem S. R. E. Cardinales, nec non pro tempore existentes dictæ Camerae Camerarium, Præsidentes, & Clericos in quavis causa, & instantia, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Designatur
Executores.

§. 16. Quocirca Venerabilibus Fratribus Nostri Offit. & Portuē. Cardinalibus Episcopis, & Dilecto Filio Curie causarum Camerae Apostolicæ Generali Auditori, per Apostolica scripta mandamus motu simili, quatenus ipsi, vel duo, aut unus eorum per se, vel alium, seu alios præfentes Litteras, & in eis contenta quæcunque, ubi, & quando opus fuerit, & quoties pro parte vestra desuper fuerint requisiti, solemniter publicantes, vobisque in præmissis efficacis defensionis præsidio assistentes, faciant auctoritate Nostrâ easdem præfentes Litteras, & in eis contenta huiusmodi firmiter observari, ac vos illis omnibus pacifice frui, & gaudere, non permitteutes vos per quoscunque quavis auctoritate fungentes contra earundem præsentium tenorem quomodolibet indebitè molestari, inquietari, vel perturbari; Contradictores quoslibet, & rebelles per sententias, censuras, & penas Ecclesiasticas, aliaque opportuna juris, & facti remedia, appellatione propositâ, compescendo, ac legitimis super his habendis servatis processibus, censuras, & penas ipsas, etiam iteratis vicibus aggravando; invocato etiam ad hoc, si opus fuerit, auxilio brachii secularis.

Derogatur
con-
trariis.

§. 17. Non obstantibus præmissis, ac præ mem. Bonifacii Papæ VIII. Prædecessoris pariter Nostri de una, & in Concilio Generali edita de duabus dietis, dummodò ultra tres dietas aliquis auctoritate præsentium in judicium non trahatur, nec non Lateranensis Concilii novissime celebrati de certo Notariorum numero, etiam si ad illum nondum devenit, cui per hoc alias derogare non intendimus, ac de consensu præstando in pensionibus, & quibusvis aliis etiam ad Nos, & Sedem prædictam editis, & in posterum edendis Cancellariæ Apostolicæ Regulis, ac stylo in similibus hætenus observato, ac rec. mem. Alexandri Papæ VI. etiam Prædecessoris Nostri, tertiam partem bonorum Ecclesiasticorum Camerae prædictæ debere inter alia disponētis, nec non ejusdem Bonifacii Papæ VIII. per quam concessionem fructus in absentia percipiendi sine præfinitione temporis fieri prohibentur, ac Pii Papæ IV. Prædecessoris pariter Nostri de gratis

qualecunque interesse Camerae Apostolicæ concernentibus in dictâ Camera intrâ certum tunc expressum tempus præsentandis, & registrandis, ita quod præfentes in eadem Camera nullo unquam tempore registrari facere teneantur, ac similis rec. mem. Urbani Papæ VIII. etiam Prædecessoris nostri de pensionibus aliis translatis iterum non transferendis, ac quorumvis aliorum Romanorum Pontificum Prædecessorum Nostrorum, quibusvis aliis Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus & Ordinationibus, nec non Legibus, etiam Imperialibus & municipalibus, tam Urbis, quam aliarum Civitatum & locorum, in quibus Cives originarii creati existitis, & quarumvis Ecclesiarum, Monasteriorum, Ordinum & Hospitalis prædictorum, nec non quorumvis Collegiorum & officiorum dictæ Curie & Regnorum, Provinciarum & Urbis ac aliarum Civitatum & locorum, ac Camerae prædictorum, etiam juramento, confirmatione Apostolicâ, vel quavis firmitate aliâ roboratis Statutis & Consuetudinibus, stabilitimentis, usibus & naturis, etiam si de illis servandis, & non impetrandis Litteris Apostolicis contrâ ea, nec etiam ab alio vel aliis impetratis, aut alias quomodolibet concessis utendo vos per vos, vel procuratores vestros præfiteritis forsan hætenus, vel vos in posterum præstare contigerit juramentum; privilegiis quoque, indultis & Litteris Apostolicis dictis Ecclesiis, Monasteriis, Ordinibus & Hospitalibus, illorumque Præfibus, seu Administratoribus & Superioribus, ac Magistris, Præceptoribus, Prioribus, Militibus etiam Antianis, Capitulis, Conventibus, Civitatibus & locis aliisque prædictis, ac illorum Communitatibus, Civitatibus & locis aliisque personis, etiam particularibus, nec non Archiepiscopis, Episcopis, & aliis Ordinariis, etiam eisdem Cardinalibus, ac dictæ Curie Officialibus, illorumque collegio, ac etiam decimarum, pedagiorum, gabeliarum & onerum Exactoribus & Appaltatoribus, & aliorum onerum Redemptoribus sub quibuscunque tenoribus & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, & aliis Decretis per quoscunque Romanos Pontifices Prædecessores Nostros, ac etiam Nos & Sedem prædictam, etiam consistorialiter, ac de eorumdem Cardinalium consilio, etiam per modum Statuti, & Constitutionis perpetuorum, ac motu, & scientiâ similibus, deque Apostolicæ potestatis plenitudine, vel ad Imperatoris, Regum, Reginarum, Ducum, Marchionum, & aliorum Principum instantiam, seu illorum contemplatione in genere, vel in specie, ac alias quomodolibet etiam iteratis vicibus concessis, etiam si in eis, ac Statutis, & stabilitimentis prædictis caveatur expresse, vel tacite quod Urbis nisi originariis Civibus Romanis, ac Civium eorundem filii conferantur, quodque nonnullarum Ecclesiarum beneficia, nisi per personas illustres, vel nobiles, ac etiam originarios Cives, aut alias certo modo in illis expresso qualificados obtineri non possint, & nulli in Cives Urbis, ac Civitatum, Oppidorum, Terrarum, & locorum huiusmodi admitti, seu illorum privilegis uti possint, nisi prius in dictis Civitatibus, Oppidis, Terris & locis per certum tempus habitaverint, seu etiam in illis bona etiam stabilia forsan ad certum valorem ascendunt possederint, quodque Præceptorie, & alia beneficia quæcunque dicti Hospitalis tam ex ejus institutione, quam ex stabilitimentorum prædictorum dispositione, pensionibus Clericis secularibus, & aliis personis, etiam Aposto-

licā auctoritate reservandis gravari non possint, quodque itabilimentis, & privilegiis prædictis, etiam vigore implicatæ derogationis latissime extendendæ, etiam per quascunque Litteras Apostolicas, & qualvis etiam derogationum derogatorias, efficaciores, & insolitas clausulas derogari non possit, nec derogatum censeatur, nisi derogatio hujusmodi de Consilio Cardinalium eorundem fiat, & tunc demum Magistri, & Conventus prædictorum ad id accedat assensus, sintque Litteræ derogationum hujusmodi etiam per dictum Magistrum subscriptæ, ac illi, & præfato Conventui per diversas in formā Brevis, aut aliās Litteras diversis temporibus cum certis intervallis præsentatas intimatæ, & non aliās, nec alio modo, & semper in omnibus quæ sic fiunt, etiam de simili consilio, derogationibus sit apposita clausula, quod illarum effectum sortiantur de consensu Magistri & Conventus prædictorum, & non aliās, nec alio modo; quodque ipsi Exactores, & Appaltatores decimas, pedagia, & onera hujusmodi, etiam ab exemptis exigere, & illos ad solutionem, seu contributionem cogere, & compellere possint, seu debeant. Quibus omnibus, illorum omnium tenores, ac si de verbo ad verbum infererentur, præsentibus pro expressis habentes, illis aliās in suo robore permanentes, hanc vice dumtaxat in genere, & in specie, ad effectum præsentium sufficienter, & expresse derogamus, ac derogatum esse decernimus; Quodque vos primam non feceritis in Ecclesiis hujusmodi personalem residentiam consuetam, cæterisque contrariis quibuscunque.

§. 18. Volumus autem, quod, antequam gratiæ creationis in Nostros, & Sedis Apostolicæ Notarios vobis, & supra factā perfrui valeatis, in manibus alicujus personæ in Dignitate Ecclesiastica constitutæ professionem fidei juxta articulos pridem à Sede prædictā propositos expresse emittere, & solum fidei iuramentum præstare omnino teneamini.

§. 19. Quodque præsentium transumptis, etiam impressis, manu alicujus Notarii publici subscriptis, & sigillo personæ in Dignitate Ecclesiastica constitutæ munitis, eadem prorsus fides ubique adhibeatur in judicio & extra, quæ adhiberetur ipsis præsentibus, si forent exhibitæ, vel ostensæ.

§. 20. Volumus pariter, atque decernimus, ut illis ex vobis, quibus similes testandi de bonis, ac pensiones transferendi facultates à Romanis Pontificibus Prædecessoribus Nostri, quorum respectivè etiam familiares & continui commensales erant, concessæ fuerunt, præsentibus Litteræ quoad facultates testandi de bonis, & transferendi pensiones hujusmodi minime suffragentur. Datum Romæ apud S. Mariam Majorem sub Annulo Piscatoris die 5. Novembris 1678. Pontificatus Nostri anno tertio.

J. G. SLUSIUS.

VI.

Constitutio Confirmatoria Litterarum patentium à Provinciæ Quitensis Vicario Generali super Cellæ emptione datarum.

INNOCENTIUS PAPA XI.

Ad futuram rei memoriam.

§. 1. **E**Xponi nobis nuper fecit Dilectus Filius Franciscus Montanno Frater expresse Professus, & Procurator Provinciæ Quitensis in Indiis Occidentalibus Ordinis Fratrum Eremitarum S. Augustini in S. Theologia Magister, quod cum dicta Provincia quandam Cellam intra Claustrum Conventus S. Philippi Oppidi Madriti ejusdem Ordinis Toletan. Diocesis existentem, pro usu & habitatione Procuratoris ejusdem Pro-

vinciæ, pro tempore existentis sub certis conditionibus, tunc expressis emisisset, Dilectus etiam Filius Dominicus Valvasorius Vicarius Generalis dicti Ordinis vigore facultatis sibi super hoc à Congregatione Ven. Fratrum Nostrorum S. R. E. Cardinalium, negotiis & consultationibus Episcoporum & Regularium præpositæ attributæ, emptionem Cellæ hujusmodi, cum omnibus & singulis conditionibus, aliisque in publico desuper confecto Instrumento contentis, confirmavit & approbavit, & aliās prout plenius continetur in ejus patentibus litteris desuper emanatis tenoris qui sequitur, videlicet.

Magister Fr. Dominicus Valvasorius Mediolanensis, totius Ordinis Eremitarum S. P. Augustini Vicarius Generalis Apostolicus. Cum nihil necessarium magis Religiosis sit, quàm Cellæ provisio, quæ proprius eorum locus est, in quo à cæteris semoti degunt, & privatis orationibus post communes preces Deo famulantur; Idcirco Provincia Nostra Quitensis in Conventu Nostro Sancti Philippi Madriti prudenti judicio Cellam emit, in quā sui pro tempore Procuratores siueque Alumni, qui ad publica Provinciæ ejusdem peragenda negotia sunt destinati, commodius ibi, ac religiosius degere possint; utque prædicta emptio firmitus subsistat, & si quis defectus in eā irreperit, opportune sanetur, bene, ac sapienter Sacræ Congregationi Eminentissimorum S. R. E. Cardinalium supplicem libellum porrigendum curavit tenoris sequentis videlicet.

Eminentissimi, & Reverendissimi D. D. Fr. Franciscus Montano Procurator Provinciæ Quitensis in Indiis Occidentalibus, atque in S. Theologia Magister humiliter exponit EE. VV. quod alias prædicta Provincia per Scripturam publicam emit à Conventu Sancti Philippi Madritensis quandam Cellam intra claustrum existentem pro usu, & habitatione sui pro tempore Procuratoris, pro pretio mille & sexcentorum ducatorum monetæ de Vellon, ut vocant, cum effectu exhibitum sub sequentibus conditionibus, videlicet.

Prima, quod prædicta Cella perpetuis futuris temporibus sit Provinciæ Quitensis, maneatque sub ejus, & sui pro tempore Procuratoris dispositione, absque eo quod Provincia Castellæ, ejus Provincialis, nec prædictus Conventus Madritensis de prædicta Cella disponere, aliquid in ea innovare, alterare, vel diminuire in toto, vel in parte possint.

Secunda, quod Provincia Quitensis, ejusque pro tempore Procuratores eidem Cellæ, utpote sui juris, de rebus & suppellectilibus Religiosis convenientibus, & necessariis providere possint. Et quod si aliquando contigerit, prædictum Conventum Madritensem ædificium pro parte ad portam curium ut vocant, respiciente, extendere, seu continuare; Tunc illa pars prædictæ Cellæ correspondens assignanda sit eidem Provinciæ Quitensi, quatenus ipsa propriis expensis prædictam partem ædificet pro commodiori habitatione eorundem Procuratorum.

Tertia, quod si ejusdem Provinciæ Quitensis aliquis ex Patribus pro tempore Procuratoribus, in eadem Cellâ è vivis decedere contigerit; tunc nec prædicta Provincia Castellæ, neque Conventus Madritensis quicquam ex mobilibus, vel suppellectilibus in prædictâ Cellâ manentibus, seu ad eam pertinentibus ullomodo præterdere possint; Sed ea omnia usui Patrum Procuratorum prædictæ Provinciæ Quitensis omnino referrentur & relinquantur.

Quarta, quod ut omnibus innotescat, & etiam ex notorietate constet, prædictam Cellam ad Provinciam Quitensem jure optimo pertinere, ipsius nomine prædicti Procuratores titulo, & inscriptione prædictum jus declarante, illam insignire possint.

Vicarii
Literæ Pa-
tentes.

Libellus
S. R. E.
Cardinali-
bus por-
rectus.

Emptionis
Conditio-
nes.

Ante u-
sum Nota-
riatus fidei
confessio
& fidelita-
tis jura-
mentum præstan-
dum.

Transum-
ptorum fi-
des.

Indulta
testandi &
pensionis transe-
ferendi non
suffragan-
tur iis qui
ea aliās ob-
tinuerunt.

Die 5. No-
vembris
año 1678.
P. A. ter-
tio.

Procura-
toris de
emptione
factæ expo-
sicio.